

AUTORSKE NOVINE


mart/ožujak 2017.

SADRŽAJ:

- Zakazana sjednica Skupštine AMUS-a
- AMUS učesnik CISAC-ovog seminara u Zagrebu
- Direktor CISAC-a boravio u dvodnevnoj posjeti AMUS-u

Zakazana sjednica Skupštine AMUS-a

Predsjednik Skupštine AMUS-a g. Dervišhalidović zakazao je sjednicu Skupštine Udruženja za 05.04.2017. u 18h u Centru za mlade na Grbavici (bivši Dom Vaso Pelagić) na Grbavici. U skladu sa Statutom svi članovi su obavješteni o zakazivanju sjednice te su im dostavljeni materijali za rad. Takođe, objavljen je poziv u sredstvima javnog informisanja o vremenu i mjestu održavanja Skupštine kao i predloženi dnevni red u skladu sa Statutom i Poslovníkom o radu Skupštine AMUS-a.



Na osnovu člana 21. Statuta Asocijacije kompozitora – muzičkih stvaralaca (u daljem tekstu: AMUS) i člana 2. Poslovníka o radu Skupštine, predsjednik Skupštine AMUS-a objavljuje

OBAVJEŠTENJE I POZIV ČLANOVIMA AMUS-a

Skupština AMUS-a održat će se u srijedu, 5.4.2017. godine sa početkom u 18:00 sati u velikoj sali Međunarodnog centra za djecu i omladinu (bivši dom kulture Vaso Pelagić), ulica Kemala Kapetanovića 17, Grbavica, Sarajevo.


Za Skupštinu je predložen sljedeći

DNEVNI RED

1. Usvajanje dnevnog reda, imenovanje zapisničara i dva ovjerivača;
2. Usvajanje četiri zapisnika:
 - sa Skupštine održane 15.6.2016. godine;
 - o izjašnjavanju Skupštine o zabrani javnog emitovanja djela iz repertoara AMUS-a na teritoriji Makedonije;
 - o izjašnjavanju Skupštine o opozivu Odluke o zabrani javnog emitovanja djela iz repertoara AMUS-a na teritoriji Makedonije;
 - o izjašnjavanju članova Skupštine AMUS-a po Pozivu predsjednika Skupštine AMUS-a na izjašnjavanje o Godišnjem planu raspodjele ubranih naknada;
3. Godišnji izvještaj za 2016. godinu;
4. Godišnji plan i program rada i finansijski plan za 2018. godinu;
5. Godišnji plan raspodjele ubranih naknada;
6. Odluka o sredstvima za kulturne i socijalne namjene;
7. Set pravilnika;
8. Izvještaj o aktivnostima vezanim za prikupljanje ponuda za kupovinu poslovnog prostora za potrebe AMUS-a;
9. Izmjene i dopune Statuta AMUS-a;
10. Razno.



Predsjednik Skupštine AMUS-a
Edin Dervišhalidović



AMUS učesnik CISAC-ovog seminara u Zagrebu

U Zagrebu je 23.03.2017. održan Regionalni seminar o poticanju saradnje između kolektivnih organizacija i regulatornih i nadzornih tijela u organizaciji Svjetske konfederacije autorskih društava (CISAC) i Hrvatskog društva skladatelja (HDS). Pored predstavnika CISAC-a, seminaru su prisustvovali čelni ljudi instituta/zavoda za intelektualno vlasništvo iz zemalja bivše Jugoslavije te Albanije, čelni ljudi kolektivnih organizacija iz ovih zemalja te predstavnici Pravnog fakulteta Sveučilišta u Zagrebu.

CISAC su na ovom seminaru predstavljali čelni ljudi: Gadi Oron, generalni direktor, Mitko Chatalbashev, regionalni direktor za Evropu te Sylvain Piat, direktor za poslovne standarde i pravila. U ime Instituta za intelektualno vlasništvo Bosne i Hercegovine seminaru su prisustvovali Josip Merdžo, ravnatelj, te Tatjana Vitomir, stručni saradnik za srodna prava. Predstavnici AMUS-a na ovom seminaru bili su: Davor Sučić, predsjednik Upravnog odbora AMUS-a, Nedim Babović, potpredsjednik Upravnog odbora AMUS-a te mr. Lejla Trnčić, generalna direktorica Stručne službe AMUS-a.

Neke od tema koje su razmatrane bile su: Globalni projekti i prioriteta CISAC-a, kolektivne organizacije kao doprinositelji kreativnoj ekonomiji - online izazovi, "One stop shops" i državna pravila u centralnoistočnoj Evropi, veza između kolektivnih organizacija i nadzornih tijela, implementacija direktiva, kolektivno ostvarivanje prava na naknadu i nemuzički repertoari te kolektivno ostvarivanje i tehnologija.

Predstavnici AMUS-a aktivno su učestvovali na seminaru a u neformalnim dijelovima seminara uspostavili su nove kontakte sa predstavnicima CISAC-a što je od izuzetne važnosti u periodu kada CISAC procjenjuje napredak i aktivnosti AMUS-a na ispunjavanju CISAC-ovih pravila za prijem u stalno članstvo ove krovne organizacije autorskih društava iz cijelog svijeta.

Direktor CISAC-a boravio u dvodnevnoj posjeti AMUS-u

Regionalni direktor CISAC-a za Evropu, g. Mitko Chatalbashev, je 15. i 16. 03 2017. boravio u Sarajevu, u službenoj posjeti AMUS-u.



SERVING AUTHORS WORLDWIDE
AU SERVICE DES AUTEURS DANS LE MONDE
AL SERVICIO DE LOS AUTORES EN EL MUNDO



Institut za intelektualno vlasništvo
Bosne i Hercegovine



ASOCIJACIJA KOMPOZITORA
MUZIČKIH STVARALACA
АСОЦИЈАЦИЈА КОМПОЗИТОРА
МУЗИЧКИХ СТВАРАЛАЦА
ASOCIJACIJA SKLADATELJA
GLAZBENIH STVARALACA

Povod za ovu posjetu jesu aktivnosti koje AMUS preduzima na pripremama za prijem u stalno članstvo CISAC-a, što će biti predmet razmatranja Generalne skupštine CISAC-a, koja će biti održana 8.6.2017. godine.



S tim u vezi, u prostorijama AMUS-a održan sastanak članova Upravnog odbora AMUS-a i generalne direktorice Stručne službe AMUS-a, Lejle Trnčić, sa gospodinom Chatalbashevim koji je izrazio zadovoljstvo napretkom koji AMUS ostvaruje iz godine u godinu a posebno u posljednjih godinu dana. Izrazio je nadu da će AMUS na predstojećoj Skupštini CISAC-a biti primljen u stalno članstvo ove krovne organizacije autorskih društava.

